

六卷

樂府體三十四首

七卷

五言古體六十一首

八卷

五言古體六十二首

九卷

五言古體三十一首

十卷

五言古體五十一首

王氏家藏集

王氏家藏集卷之六目錄

樂府體三十四首

擬古調寄君采

隴頭水

大梅花

君子行

涼州辭

古別離

折楊柳

獨不見

言身卷之五
一
將進酒

白頭吟

緩歌行

昭君怨

長門怨

銅雀妓

湘妃怨

五雜俎二首

隴頭吟

同聲歌

妾薄命二首

對酒歌

琵琶引

從軍行

長安道

俠客行

行路難二首

燕歌行

遊獵篇

閨闈篇

雙燕篇

楊花篇

清夜謠

王氏家藏集卷之六

浚川王廷相著

門人鄒紳湯紹恩余承業校正

樂府體

擬古調寄君采

堯舜垂衣裳大道協三光堯舜垂衣裳大道協
三光禮樂四達治具畢張五星同宿黃河再清
天既不惜道地亦發其祥萬民樂生君子道昌
頌聲並作奕奕洋洋但願聖壽齊天為樂未央
我歌且謠堯舜垂衣裳丹霞奉日精太虛亦

迷明丹霞奉日精太虛亦迷明有美一人與王
喬並稱風行而雲迴不受塵垢攫嗟嗟羨門不
一招之氣候何由平彼美人兮以五嶽為闕庭
悠哉悠哉孰得汝遊行我歌且謔丹霞奉日精
三解達者此道真飄飄一何神達者此道真飄飄
一何神日居月諸倏忽無停輪諒此非金石安
用常苦辛靈珠自光蟄龍自存茲為最上玄嗟
君努力奉此生世身我歌且謔達者此道真三解
故人常相思路遠莫致之故人常相思路遠莫
致之西北有好鳥翩翩雙翼垂北風揚吹沙苦

寒良自知宜父厄陳蔡伯陽流西夷愛而不能
遂天命非我為我歌且謔故人常相思四解

隴頭水

隴水流嗚咽征戍起長吁誰為此行役烽火警
單于丈夫志橫行安得恒家居主將多仁義幸
事李輕車隴水有遊鯉先報長安書

大梅花

梅花臘中破良人交河戍為媚君子懷折花不
惜樹歲寒見妾心芳香見妾故塞鴻能啣蘆願
託將汝去冰雪斷來行相看白日暮

君子行

朝上羊腸坂暮宿太行戍豈不憚嶮艱所思在
東路松栢何修修枝葉何離離虎兕栖中野遠
行不如歸出門復苦愁入門復苦愁浮雲匿白
日君子滯遠州秋螢懷末光來照白玉堂雖無
明月質其意良可傷執釣起渭水飯牛興西戎
周公三吐哺天下歸其中忠應龍得雲雷變化一
何神天命有去來此道難重陳

涼州辭

君戍龍州城妾住長安里燕子年年來君家獨

不似皚皚明月秋流影他家樓樓中有夫婦朱
絲彈白頭步出門前溪溪水清浪浪中有鴛鴦
鳥雙雙斷人腸昨日龍州書說向涼州戍涼州
掛妾心夜夜涼州路朔方千萬里日日風沙起
壯士不辭苦飲馬長城水東家同戍郎來上西
家堂金貂明四座高勛歸故鄉高勛會有時故
鄉會有歸裁縫篋中素念君霜中衣

古別離

肅肅雙飛鴻棲我水中洲別君日已遠思君天
際頭天際不可越車輪何時休上山石盤盤涉

江水瀰瀰君行當自愛風波忽萬里願爲清路
塵隨君雙車輪願爲繡鞵龍隨君胯下驄願爲
金沙流隨君木蘭舟客從遠方來遺我鬱金香
佩之懷明德再拜念路長路長不遑歸早燕春
前飛上堂撫瑤琴翻作生別離近別傷我心久
別傷我肝肝傷不足惜君行倘來還

折楊柳

隴頭二三月楊柳黃綠絲郎行楊樹下驄馬金
絡羈馬瘦不忍鞭柳弱不堪折出谷復入谷落
日獨行客水流隴山下郎行隴山上隴水東南
流與郎常相向擒得兩單于能解單于歌馬鳴
邊地黑同行皆念家軍書十二勛金貂紫袴衣
郎從左邊過不知是阿誰

獨不見

君王愛小腰錦帶自結束二八入漢宮羅薦生
香玉王香自不滅寵盼每難終昔爲菖蒲花今
爲孤根蓬蓬飛遠天去妾意何終極前時昭陽
院雙燕栖羅幕燕燕上林飛春歸長信道彫輿
竟不來空長如茵草秋草有衰質明月常素心
班姬新乞掃試鼓長信琴玉琴懸五絲一絲一

腸斷空作白頭吟曲終獨不見

將進酒

江春花飛酒滿香金堂翠壁琉璃光主人鳴箏
列小妓便湏一醉傾千觴請客勿醉譁聽我緩
聲歌人生劇奔電空然羨丹砂丹砂鍊盡日仍
暮蓬萊仙人在何處執鞭富貴不可求天上風
雲暗前路君不見瑞雲承日光五色俄然變爲
雙白虹大東洋海波山立秋風忽轉沙田蓬桀
犬吠堯堯倒行尼父反遭蹠虎驚齊中驚跛豕
足道東山狼跋安爲靈屈原孤忠貫白日精魂
下結江中石湘流流恨去無還青草年年洞庭
色樂生感激燕王辭東下齊城如指揮時忽變
兮龍爲蛇丈夫乃作逋逃兒人間萬事東流水
古來聖賢皆如此莫道文章自有神定應難換
涼州史分曹賭五白長命行千巡梁王最愛兔
園夜山公慣醉襄陽春金尊綠波動明月清歌
王笛飛梁塵請君爲樂湏及時桃花已落楊花
飛嵩山蒼蒼古帝城空言陛下千萬期

白頭吟

堂中笙管傳繁音聽我緩歌白頭吟憶妾與君

初見時嬌小能書雙蛾眉十步五步蓮花生嬾
娜春風楊柳枝同筵鼓瑟筐床食不謂今朝生
別離絡繹宵唧唧泣下流黃機七襄織就雙魚
綺留與君傳錦字書玉琴妾所寶奉君清夜娛
彈作遠別離孤鸞何時歸妾有紅羅襦明珠十
二扣去去隨妾身寒暖不相負妾有雙璜珮娘
娘似明月去去隨妾身玉光恒不滅班姬被寵
矜嬌豔却出昭陽避雙燕月明嗚咽紫雲簫秋
風冷落白團扇玉顏花貌有衰歇敢料君恩不
中變新人貌如霞艷艷眼前花舊人心如石百
歲良不易君無秦王之鏡光離離妾有肝膽焉
能知指環團團倘終惠賤妾宛轉當迴車君不
見鴛鴦情性同生死池上年年比翼飛

緩歌行

神龍卧待風雷起天馬不作轅駒悲丈夫瑣瑣
徒快意棲身金馬終何爲青雲翹首恃先達手
捫日月開亨衢翩翩紫騮色盈盈朱門趨昨日
縫掖困塵土今朝氣勢吹虹蜺顧我本是草澤
子放步謬入龍鸞闈公相門前耻于謁蓬萊闕
下愁羈棲獨乘欵段長安陌白壁無言知者誰

鳳凰垂翅滄浪水鳧鷖爭暉太液池不及任公
釣滄海鰲竿且掛扶桑枝萬里風雲有時會文
章鐘鼎難前期一得一失浮烟爾跼跼縮縮令
人唾

昭君怨

古人皆去國何如出塞門苦雪狼山凍驚風沙
海昏醺酪蘭氛滅琵琶胡語繁曲中絃忽斷流
淚比君恩

長門怨

涼風吹羅袖淒淒瑤殿深梧葉下金井月明寒
素琴撲螢祈得火夢粧愁斷簪看星王階裏空
有抱衾心

銅雀妓

分香眷情苦望陵遺恨滋舊來長夜宴無復此
生時蕙帷冷泉戶香閣蕪松暉雌云歌舞妾揔
是斷腸詞

湘妃怨

遠遊一何極茫茫望百粵生事要有窮恨不親
訣絕愁結蒼梧雲魂斷蕭湘月惟餘竹上痕常
沾淚血發

五雜組二首

五雜組鳳凰毛往復還滄海潮不得已戰鳴條

二

五雜組慶雲色往復還蘇武節不得已受巾幘

隴頭吟

君不見羌胡雜種犯邊城燉煌烽火入西京天子赫怒璽書下嫖姚將軍大典兵燕頰已驚投筆士龍韜還讓棄繻生犀葉七重分細柳龍泉三尺勒飛星秦中指點祁連路沙草茫茫不知處爺娘送上咸陽橋赤幘雙韃走馬去朝發咸

陽橋暮宿隴山圻隴水東去秦行人何時返塞上烟塵連夕起去那能計生死春花滿地夢長安秋月臨關然隴水隴水泠泠行客怨隴猿啾啾腸欲斷彫戈鐵馬事橫行那得音書寄鄉縣塞垣十月陰風號黃沙磧裏陣雲高請纓北闕將軍勇擊劍陰山壯士豪朔吹驕嘶紫驪馬胡塵汗巖錦雲袍中軍簷策四山飛魚麗蛇蟠陣角齊六郡良家二十萬相持已合數重圍漢家據險如據弩堅戍關城為外戶五陵大俠雙寶弓犯險提師追驕虜赤鹽海氣晝昏昏白日

沙場見鬪痕月食昴躔胡運滅單于騎火已宵
奔單于散城邊亭好捷書夜發燉煌道狼山石
壁既高封鴈塞金甌復新造歸來旌旗壓隴山
隴頭流水照生還論功不願封侯事萬歲君王
閉玉關

同聲歌

花艷芳春林淑氣流中堂翩翩引上賓蘭芷獻
椒漿趙女揮五絃托意陌上桑非君一回首誰
識慢聲長

妾薄命二首

孔雀日邊飛毛羽殊可憐傾城不得意春風空
自妍當歌掩團扇暗地卜金錢獨夜難成寐明
月為誰圓

二

苑遊轟玉輦風動聞鳴珂長門咫尺地春盡不
曾過宛轉腸九迴想像顰雙蛾誰言織女巧夜
夜隔銀河

對酒歌

前有一尊酒上君千萬壽生逢堯舜代不覩龍
蛇鬪夔龍先讓德和氣盈宇宙蒼蠅百舌種類

滅無復賢人被讒詬鄙哉黃金觸斗齊何須氣
勢吹虹霓但願歲歲顏桃花醴泉生在君家池
六逸二仲爲友于黃鸝啼花蝴蝶飛春秋伏臘
對揮盞醉中得趣王侯卑腰間相印金霍霍朝
踏沙堤暮海陸閉門著書成萬軸後代知吾是
阿誰遼東之鶴瞥然歸歸來眼見家人非人生
當日不取樂馭風蓬島終何爲東海童男不復
返西陵歌妓令人唾不如一舸載西子五湖放
浪真吾師

琵琶引

仙娥不作霓裳舞獨抱琵琶學鳳語四絃嘈嘈
催早春霧洞雲軒花爭吐一彈春宛宛鶯語初
調嬌莫辯再彈春茫茫武陵花泛流泉香三彈
四彈秋浩蕩風雨交交萬潮上須臾雲散江月
沉不聞風雨聞龍吟五彈幽怨不可窮千鶴萬
鶴高唳空仙人百呼不一返羣飛直向東溟東
碧梧金井輓轡轉逆旅牽愁常不斷聽曲飄揚
星漢低池上鴛鴦雙翅斂萬里明妃錦裯馬空
然抱怨陰山下

從軍行

僕本幽并兒從軍戍隴底烽火入臨洮提戈救
西鄙一箭落雙鷗胡人齊噓指奪却燕支山飲
馬伊吾水歸來朝明堂策勳百十起賞賜千萬
餘引赴明光裏不緣破胡勳誰識漢天子

長安道

玉騎雪花白影影千明珠金鞭拂翠幃豪殺平
陽奴明月照王溝喧喧帝城趨九門嚴夜漏誰
怕執金吾

俠客行

少小負俠氣長劍遊五陵裊裊珊瑚鞭馬色如
流星酒酣夜呼盧一擲千金輕報讐不辭難殺
人同草莖烽火照甘泉從師遠橫行轉戰入朝
那三箭陰山平斫殺左賢王珠袍不血腥功成
奏金闕逃籍反藏名羞彼綿蕪兒長揖竊公卿

行路難

有車莫上太行路有舟莫泛瞿塘川攀天競巧
有何益先幾達變稱高賢君不見漢家丞相尊
貴時劍履趨朝行沙堤天子臨軒爲公起百僚
禮絕誰能齊熏天氣勢真無比蓋代勳名照青
史金吾十萬盡私人文學三千皆弟子春花秋

月湏更改敢料君恩久相待三閭憔悴放江潭
虞子蹉跎竄交海誰言吐氣爲虹霓誰言唾地
成明珠一朝風雲落人手精靈雖在顏色殊蛟
龍蟠泥飛不起蛙蠅之子來相响不如長安浪
酒徒醉揮莫邪相喧呼千金白璧賤一擲社中
兒女皆僕奴行路難聲轉迫人生美惡焉可常
世態炎涼在朝夕翟公門前雀可羅竇相坐間
誰避席剖心輸膽託生死古來惟有田橫客

二

君不見不見夫史宮中琪樹枝梢雲蔽日高猗猗君
不見垂楊拂拂邯鄲道採剝攀折委荒草人生
偶然不得地安用多材復多藝帝王宮中稱聖
明賢士落魄衆皆棄長安少年貴豪子白馬寶
刀橫秋水光采離披見者驚誰知心中不曉事
山中璞石自有瑜水中靈虵自有珠寸心容易
許他人按劍視之反我虞賈生年少遭讒嫉楊
雄識字恒執戟丈夫生來有天命折腰向人復
何益

燕歌行

漢家防胡重北鄙薊門遼塞連天起雲中帶甲

三十萬河外營田五千里漁陽都護李輕車逐
虜常從瀚海隅金戈鐵馬橫行日伐鼓吹鏡血
戰餘白登山下舊屯軍青海灣西新關氛漠漠
春生猶白草蕭蕭日落盡黃雲磧裏陰風卷沙
柳月底秋聲咽刁斗戰馬長嘶邊地寒虎士悲
傷別離又離人日日念還家處婦年年望返槎
塞垣九遇鵝毛雪閨中十見櫻桃花櫻桃花開
燕來早不見征人見芳草無書寄與洛陽春有
夢迷却燕山道胡平燕代羽書稀壯士功成盡
錦衣不恨賤妾憔悴死但願良人及早歸

遊獵篇

列騎晨出城日照紫羅巾翩翩關趨捷翻身射
行雲野鼓何填填澤火入層旻右馳羽林郎左
旋龍武軍不知中軍誰袍花紫錦麟細馬馱妖
姝行厨羅天珍鼓吹振葦蒼帳幙蔽驚塵抹騎
出平原呼鷹過重津飛指鷓鴣陣奔殪熊麋羣
中黃報舉積羽角車雲屯仰效皇圖昌遊樂良
及辰鳴鑊載路轉清歌翻聲新入門選勝客夜
宴金堂春

閨闔篇

天門何嵯峨雙闕瑞靈浮迥臨飛龍臺仰承翥
 鳳樓咸秦天府國鞏洛帝王州表裏見山河威
 光列王侯鴻勳垂百帝壯麗渺莫儔日月經其
 上星辰旋其周紫皇乘雲霞羣仙拜宸旒擊鐘
 法駕動鳴球韶音流翰林麗詞章虎衛森戈矛
 禹貢方物陳王會華夷收大和升舜年斯民興
 堯謳王檢不東封龍舸不南遊恢恢八埏內穆
 穆元化修昌運良在茲賡歌欽皇猷

雙燕篇

雙燕雙飛尾涎涎入閣穿簾每相見誰家繡幙
 黃金牀對此躊躇空斷腸春花秋月一回改別
 去人間復相行遙天遠海不作難年年社日捲
 簾看蕩子出門如汎梗憔悴孤鸞鏡中影

楊花篇

廣陵三月可憐春青青楊柳蘸湖新長條不綰
 思歸客散作飛花愁殺人浣沙艷艷吳江女拾
 取香毬連袂舉花點輕狂只欲飛徒使多情亂
 心緒吳宮隋苑煙裊裊別有豪華競春早飛璫
 流雪洒行旌日暮迷却長楊道江頭一樹白離
 離打陣隨風趁落暉漫天撲地何時住困入滄

波却怨誰

清夜謹效李長吉體

蓬仙宮中簇玉盤十二珠樓圍夜寒夜光觸空
幽巖白眠龍驚擊金闌干王母懸旂下瑤圃北
斗離離垂北戶雲中虎豹開九關玄鶴掠天妖
虬舞老蟾噴露漂銀床都梁裊煙螭吐香流雪
瑤斗春茫茫雲笙叫回朱鳳凰醉騎黃鵠渺南
北海風吹天月無色

王氏家藏集卷之七目錄

五言古體六十首

雜懷五十首

雜詩十首

王氏家藏集卷之七

浚川王廷相著

門人鄔紳湯繼余承業校正

五言古體

雜懷五十首

聖人垂衣裳大道和羣生天德乃乾乾坤化亦
效靈甘露發其祥千年河一清邈哉三五後何
幸逢休明帝堯尚敦大文王歌駿聲茂彥思就
列烝黎荷生成葵心本傾陽松栢能後榮願効
夔稷徒附翼垂鴻名

二
秋風吹廣野轉蓬長
乖離長安有思婦思苦心
煩悲良人西備胡賤妾恒獨居
三年一書札各言長
相思龍劍終合并立業當及時
策勳百十起謁帝明光
廬僕馬生輝光慰妾長渴飢
飢渴不足惜但使願無違

三

矯矯當路子進賢在不疑
古云有茲基不如能及時
仲父稱伯桓豎刁猶亂齊
白日忽西沒權去空苦悲
莫以魚水故悠悠失其幾
瑕隙一相詆片言成乖離
放之荒海濱有懷將致誰

四

阿閣一何高中有傾城姿
良人遠從征翩翩五陵兒
龍馬雪花白歲晏不言歸
悲風搖沙草霜露復淒其
念君衣裳單撫弄流黃機
竟日不成匹一吁纔一絲
織作鴛鴦紋雙雙自相依

五

桐生泰山阿修榦凌朝曦
斲作龍唇琴清商一何悲
一身赴遠道江湖渺難期
浮雲蔽白日天門鬱崔嵬
佳人在何許有懷疇能知
願欲託飄

音寄我長相思絃罷意已忘慼慼傷肝脾

六

皇華奏雅曲四座羅嘉賓與子結綢繆十顧不
一親謀國賴多賢兩好亦相因不見雙飛龍作
澤一何神日月有薄食豈獨參與辰生世誰久
留所要在求仁願子務同德垂輝照千春

七

疇昔客京都賢豪勝追遊崔何富文苑同氣恒
相求中道忽蹉跎驅馬赴遠州重臨日已邈事
變無定籌死者在鬼錄生者歸山丘少年各相

義氣凌王侯此禽念舊匹胡馬思同仇懷古
彼一時涕下不可收

八

我有所懷者乃在首陽岑采薇行且歌曠代流
徽音堯舜不及時胡為扣角吟豈無金琅玕蟻
珠玳瑁簪我欲往遺之滅影入幽深烈士自寡
求世人恒苦心幸有滄浪曲可以相招尋

九

生世不常保飄如陌上塵驚風一來千奄忽成
沉淪今日樂何其斗酒集四隣雅歌間清商瑟

筆雜齊秦所要在適志龍德先存神李叟歎黃
犬莊生念孤豚富貴嬰憂虞胡爲競要津

十

迴車踐京邑良會從茲始出入承明廬所接皆
賢士談者經世術文章乃餘事大道通其變風
化一何駛海水成桑田沙虫盡君子泰運來已
遲誰願別離此

十一

彼客遊洪都豈計繁華者感激清平會志意在
函夏如何傾城質歡燕不終夜窈窕難自保何
況成老大素懷不余亮荒淫可相假被褐道乃
全彈冠志彌下憂時亦云已行哉歌白社

十二

步出東郭門送客臨長岐執手不一愴但云世
情滴長跪請問客請客自躊躇君子能久要小
人顧當時諂笑物性真何啻勞夏畦事變來相
干棄我忽若遺賓客不避席灌生一何悲由來
在權貴豈復論賢愚春作冬以息事變從所宜
炎涼勢自然此道可類推

十三

嗟嗟下帷叟六籍勤覽披人稱古文學自負經
綸師感會清平朝釋褐被朱衣不願踐台衡但
恐不見知古人貴寅亮禮樂俟伊誰衆人每不
然其友深知之勉哉勿復言堯舜以爲期

十四

七首報秦帝身糞名亦烈揮鎚博浪沙十日空
大索均爲事不成其謀有工拙勇者徒輕生智
周爾豪傑

十五

飛鷄懷我音執鳥羽一何好終非九苞鳴徒然念
相肖同心自相感提攜苦不旱春風一嘘拂坐
俟回枯槁含章守貞吉被褐懷至道白璧不自
言誰哉識爲寶

十六

湛湛清潭水下見石離離豈不懸朗鑒射影寡
遊魚西方有佳人容華發朝霓吹簫諧鳳鳴窈
窕同關雎入宮翻見妬多猜成狐疑無由洞明
信沉憂結肝脾賤妾請勿疑久矣君應知

十七

淒淒秋已厲蟋蟀悲鳴吟君子在天末相思日

以深所懷不易達願欲託遺音百勞飛不極彼
哉諒難任仙人王子喬勤勤憐我心招手遊天
闕飛步凌瑤岑天上何所覩織女思同衾漸臺
難獨居河漢浩淋漓空言良會燕北斗安能斟
今之帝都城乃古幽燕川豪賢固慨慷士女
亦鮮妍雞鳴闕九門塵市如雲烟綺樓十二陌
照耀蓬萊仙王侯飛車馬梟那珊瑚鞭氣槩託
紫微攀緣入青天物苦不能齊造化或以偏豈
無楊執戟窮巷猶草玄南望黃金臺白日心空

十八

懸

十九

世運破鴻荒至治欽堯軒中古明禮樂人文日
以繁智者開其迷羣生一何奔江河趨愈下遂
令古道昏狡僞蝕大朴一切逐彌文王風在攸
好感化非空言及茲泰運興吾欲疏淳源

二十

臨秋河漢仄三五明月光獨坐念婉孌佳人杳
難忘綺閣翠羽闈玉井黃金床憶昔奉君歡徘徊
令心傷鴻鳥飛南征浮雲隨風翔豈無尺書

札天遠不得將登高散鬱抑曠野何茫茫賴有
遊夢魂聊以慰中腸

二十一

昔日黃初平牧羊在草澤道逢浮丘公引之入
人國辟穀食雲霞靈液變精魄颺然形神輕突
突眼光碧一卧經十旬龍虎護床席遠遊太虛
表日月反爲客故落塵埃中世人杳莫識

二十二

緬被東山客謝事真曠懷嘉樹語流鶯華阜隨
春回人生長苦促爲樂常苦遲彈箏吹龍笛傾
耳當及時身閒猶枯槁淑持此將何爲

二十三

客從遠方來遺我雙土盃不爲玩好致同德深
相期朴素比君子斟酌貴宜時一杯復一杯酒
盡還復持不作獨醒古返爲達者嗤藏之筐篋
中終歲以爲師

二十四

鬱鬱庭中栢綠葉何翩翩下有花卉榮小草相
鮮妍我欲除此草青青亦可憐花草豈相妨人
心任其偏不如兩寘之各各聽自然

二十五

陟彼燕山阿南望大梁野平沙浩漫漫洪流日
東瀉昔時信陵君賢豪動天下門有三千客珠
履飛龍馬如何竟帝秦一誤不可假故國已丘
墟豪華盡凋謝不見公子墳徒見今人稼大化
從古然何用淚盈把

二十六

鳳鳥世所稀一見三千年九苞耀雲霞孔翠羞
其妍衆鳥不敢欺奉之以周旋固知非常類寡
見終疑歎晏嬰沮孔父知音良獨難

二十七

飛鴻遵廣渚紫燕巢華屋章甫適百粵角巾走
東陸君子安所遇俗士多昏逐豈必論幽尚朝
市有高躅至人不嬰垢蕭散道自足旣寡憂虞
懷何須季主卜

二十八

畏讒如畏虎相去爭毫釐虎惡猶可防讒巧人
莫知偏任生鬼妬亂聽成狐疑君能不狐疑讒
口何由施

二十九

善家齋集卷一
桃李競春榮更結團圓子誰知歲寒花獨抱霜
霰死勢利不易求多附青雲士富貴有時歇交
情亦云已交情易以已胡不慎其始

三十

猥猥高下鳥豈識垂雲翮尊高多自用賢謀反
為惑大雀從黃口羅者常易得小賢役大聖謀
國復何益

三十一

晨旭升暘谷初光何皎皎志業貴及時致身苦
不早飛雉不逾此毛翮亦徒有龍馬何如公豈

詞困塗潦百美方大成拙速勝遲巧歲晚霜露
零蕙艾總枯槁壯士不辭苦出門萬里道生事
會有窮榮名以為寶

三十二

淒淒涼風發吹我中堂帷展轉不能寐撫衾有
餘悲借問悲者誰棄妾方獨居班姬克下陳諷
誦薦詩書常恐人道乖奉君君反疑昔為紅蘭
花今為枯艾枝花卉豈有變憎愛令心移中夜
起鳴琴孤鸞何時歸惟有遊夢魂常託君子懷

三十三

窮達不遺道大士慎所修時命有定端鄙哉迷
所由名高益自賢勢大壓同仇片言不相得覲
面生戈矛豈知貪天功重為道者羞

三十四

結交結金石託心託夷齊惟有青陵墓至死心
不移改醮耻會稽刎頸羞南皮死生戰其心事
讐君乃遺義為勢利奪去嬰而汾歸吐心指天
日反面成尤疑發軔豈不好中道乃支離嗟嗟
楊朱子臨岐寧不悲

三十五

秦人忍坑儒儒乃遁其踪禮樂遂崩委干戈日
興戎劉項躍馬呼詩書益途窮少者既不聞老
者已朦聾漢祖起朝儀叔孫侈其逢區區効綿
絕古道如捕風變此擊柱習卑臣君愈崇兩生
志不屈九師傳未洪遂令希世兒亢為儒者宗

三十六

平生負竒氣結交盡豪英讀書五車足大義懸
日星提師破匈奴勒石龍沙城歸來見天子麟
閣垂鴻名

三十七

三公正國紀論道協天行泊然貴寡欲不以一
已營大心運衡樞普照無缺明倏忽變化移默
令四海清提綱一以誤瀾倒勢自傾過激失中
和多事亂乃興臨難不偷生氣節凌日星國命
苟無補慷慨空成名

三十八

時變復時變時變何可道知幾復知幾知幾苦
不早智士被羅網反爲愚者誚白日不常融浮
雲莽奔峭天運何慘冽人情忽瀾倒琅玕不得
地不如蒿與草貪榮在一時百世遺悲悼賢哉

古三疏全身足爲寶

三十九

園中鶴啄食庭中鶴啄苔一呼一以答如道心
所懷其音不可譯其志良可猜得食呼其曹隔
殊故嗜嗜人惟物之靈義者性所該如何青雲
士恬不念蒿萊

四十

登高盼浮雲去去誰能持空言證無生百歲會
有期不如邀同懷美酒聊自嬉寄謝爰居鳥類
寄親交書

四十一

昔日東陵侯瓜畝何盤桓富貴如浮雲安事恒
苦顏驅車萬里塗歲暮懷辛酸迴風卷飛簷但
願返故山故山有靈芝故壑有靈泉往來頻采
汲山鳥喜我還濁酒日成趣絃歌日以閒素懷
良在茲逝矣復何言

四十二

靡草不知夏寒蟬秋鳴悲羣生各正命消散理
一齊專氣能致柔達者和天倪養生豈在多此
訣足以嬉

四十三

雲興以從龍龍飛亦從雲倏忽澤四海變化何
其神癡哉遠遊士白首思要津董生射帝策千
言不成勲田公起封侯一語協天人所貴在相
知區區徒煩辛

四十四

方朔玩世士玩世復不恭挾策金馬門謔浪調
九重至尊既不疑同列亦相容大賢鄙其術滑
稽不可窮竊桃西王母假託驚愚蒙持此效朝
隱無乃詭道雄

四十五

鳳食玉山禾不與羣鳥同上士秉高節守道明
玄通好爵不足縻長揖辭王公所以三顧勤驅
馳乃從龍燕昭黃金臺郭隗來趨風好賢能下
已百代垂元功

四十六

靜士厭世紛擾擾如淖澤豈獨嗜冥寂天性各
有適翩翩升華頂去作雲烟客雖協遊仙懷終
然念親識

四十七

古塞蟠榆中龍沙浩漠漠北風吹邊聲人馬悲
鳴躍一戰虜賢王功成寵不薄白骨委蔓草遊
魂走飛蘆不見征戍苦誰知居人樂王守在四
夷帝德貴旁魄魏絳請和戎此道久蕭索

四十八

大舜讓天下善卷迓深山此風久不聞攘奪令
心酸一丘有餘居一簞有餘餐百損求一益禍
患誰來干富貴善保持咄咄何足言

四十九

上山採白薇下山逢故友再拜問故友君行日

何久出門浩浩世路多豺狼黃鵠志四海不
得同翱翔請君且勿翔道遠情自傷黃鵠貼天
飛悲風摧衣裳

五十

平生好持論詭聖非我師俗儒援九流支言使
道離斯文未喪天著書余敢辭雅大千萬言闡
及天人微下士聞道真猶爲好辯譏屹屹徒窮
年同心更伊誰譬彼燎原火益水徒爾爲不惜
覆甕詭願俟後聖噫

雜詩十首

太白難繼日翠羽非鳳德邈哉至神理於世多
所惑我有同心友乃在雲海側有道善卷舒無
欲坐山澤玉音常自媚潛光一何赫百年會伊
阻憂來悵不釋

二

日月跳兩丸闕此世上人死者日以遠生者日
以新蓬萊水清淺群仙亦虛陳若木幾迴花扶
桑終爲薪蚩蚩夸與名腐朽安足神達觀造化
始曠然獲我真

三

天風吹我衣乃在昆陽岑琅玕不能食北斗安
可斟客從東方來遺我綠綺琴上懸五色絲下
點丹山琛感之再三拜萬里懷飄音彈作遠別
離忽復傷我心

四

淒淒孟冬月月白星復稀遊子念故鄉中夜起
踟躕王事不遑處山川口逶迤臨觴不能飲長
歌一何悲嚶嚶南中鴈嗚嗚思北飛人生貴行
樂何能刺促爲千載亮空回節苦心令人嗤

五

世道方嶮巖所懷竟誰陳素絲易爲緇長松摧
爲薪百行不一信寸心難具論步出北城隅丘
墓浩以殷世代日云遠惻愴傷我神嗟嗟二三
子請視丘中人白楊日蕭蕭田實久已塵

六

暘暉入綺樹和氣襲高堂嘉賓四面來綺縞夾
車廂鹿鳴奏雅曲鐘鼓何摐摐麗鳥盼庭柯綴
舞紛縱橫三星在東戶起視夜未央樂者情以
適愁者情以傷我有所懷念邈在天一方獨有
黃鵠飛可以解我腸

七

涼風轉林薄衆葉辭青枝春暉布陽澤花艷桃李蹊君子守蓬門下士常悽悽宿昔同衾袍富貴生狐疑知己豈足賴天命良難違葛藟與兔絲纏綿會有時五十負新叟謁帝亦不遲嗟哉盤躄子持此將何爲

八

步上首陽岑言望三河道我我兩京闕車轂浩浩片言結同心王侯奪天造齊瑟非所歡棄捐不足寶志士儻八行小人困泥潦日月相蔽虧誰能常自保俛仰百年內令德苦不早路難莫助之憂傷令人老

九

尼父返西河亭伯迓東夷懷珠炳先幾曠世孰與齊麒麟生北苑世道安可期人生何促促日月何離離行行不自惜霜露沾人衣東門有瓜田聊可以自嬉

十

少小不知道逸氣凌山阿中歲涉萬變慷慨有餘嗟大化才一息浮生何足誇白髮欺秋霜朝

來明如波及時不自力忠信疇相加古之大雅
人越世而光華

王氏家藏集卷之八目錄

五言古體六十二首

詠古七首

資中山行有作二首

陟巘上作

得告後有述二首

浮淮二首

寄張仲修侍御

海上四時歌四首

別後再贈德涵

秋日梁山書懷

涪陵江懷古

送別彭方伯赴雲南四首

四友歎

擬古十首

孟望之入試院奉懷一首

采苓篇

雜興十首

遊紅山寺

雜詠三首

燕中懷古三首

之縣

登石頭城懷古

送王錦夫方伯

王氏家藏集卷之八

浚川王廷相著

門人鄒紳湯紹恩余承業校正

五言古體

詠古七首

東南佳山水三茅幽以清彼賢遭亂代晦跡相
招迎各得盡天年了不犯時刑夸哉彼陶君注
書欺壘盲羣陽述洞天居者稱仙靈南岳誰夫
人干俗乃營營忽忽百歲間草草皆飛昇神仙
何其多虛言吾誰徵

智士炳幾先愚人守常調存亡在須臾事變徒
悲悼留侯人中英頗亦識天道知明守其暗無
欲觀其妙儲危不可諍悞主來四皓辟穀從赤
松寂寞豈攸好握此靈珠光消息合天造淮陰
吁昧矣竟爲百世誚

三

見道苟不至爲臣良獨難况爾生死塗大義安
可干隴西李將軍惜哉勇不完義士蹈白刃烈
夫喪其元守死能善道仲尼垂名言得當縱報
主厥志亦已姦匈奴有佳客名王比左賢形跡
旣可疑有美焉足觀

四

君子守貞一進退惟其時千變務正已不逆邪
見欺所以工言子每獲售其私靈均楚宗裔謀
國協臯夔獨立寡汎愛同列番見疑白璧點青
蠅昧者疇能知一抱懷沙冤千載令人悲生命
忽忽去令名何窮期人爲賢者愴我爲讒夫嗤

五

昔日楊伯起潔名秋霜借黃金豈不貴暮夜誰

見猜凜然畏四知一語生霆雷彼哉邪佞子駕
言相招來遂使金石心反爲塵與灰逐臭海旁
夫性與芝蘭乖鳴鳶嚇腐鼠鳳鳥遭喧豗以已
量他人安知曠士懷

六

達人順性命不受寵利憂一榮復一辱事變疊
相酬名高衆乃忌位重鬼所謀親好一不及對
面成仇讎况爾專衡樞威力奪王侯時運不我
與智竭終見羞龜以靈自翻猩以色自囚嗟嗟
鄭子眞肥遁顧可求

七

遨遊帝庭客雄豪當自致陳力一不固吁誰乃
弘濟彼美班定遠投筆爇旆逝一劍西域清九
譯名王繫豈與蓬樞子區區守錐利論道三公
賢禮樂庶邦計苟非志業亦奮何由足垂世

資中山行有作二首

平明上東山近午陟翠微行春愛時物花柳澹
餘輝入壑喧諸禽識我乃忘機却成幽獨趣翻
與市朝違

二

高嶂見白道紆曲屢迴轉客車重周遊攀眺不
辭遠峽雲去安適川流碎難辯悵然懷遠公城
跡栖絕峴

陟巘上作

陟巘望群壑晴午亦蒼茫遠煙積深碧已近不
可詳花時自無悶况臨窈窕江紛吾遠遊思直
欲凌衡湘蒼梧訊虞帝因之謝九皇道運日已
漓何由見洪荒仰視巘首雲聊與爾徜徉

得告後有述二首

抱病辭瑣闥雅志希寥廓壯年談一經百石真
沒落既乏燕然功敢望平津閣丈夫懷四方安
用守尺蠖王事方勵激殷憂忽凌薄得告返舊
疆晤言復如昨沙田依河許耕稼亮靡惡巾車
東林道策杖芳花郭且酌柴桑盃漫擬臨海作
協古信超曠適志詎蕭索一丘聊自娛百齡庶
可託

二

素業蓬蒿堵青春桃李園逶迤自來往逍遙慰
晨昏林卧愜鳴鶯洲覽悅芳蓀冥然避喧囂庶
以清心魂况偕沮溺徒時聆幽悠言豈無帝王

畧莫作繫匏論暫息金閨步終切蒼生援振衣
凌華首招手排天門斯文不希世江海思彌敦
富貴如浮雲孔聖道乃尊獨善良在茲且擬貢
丘樊

浮淮二首

鼓枻出淮流南盼維揚津客途浩無際秋飈厲
茲晨赤葉下遠洲白鳥戲清濤裊裊征麾曳宛
宛鳴笳聞金堤障奔湖喬木掛層曠逝言感物
華岐路多悲辛鹽駒困泥坂歷塊誰見珍鳳德
日以衰仲尼無停輪姜公晚佐周范叔窮相秦
所嗟在知己此道難重陳

二

北闕罷通籍南淮逐流潮形役方險艱世路况
迢遙大塊勞茲人吾道安所逃干祿逢休明致
主擬夔臯豈無負鼎術輕身愧賢豪補袞期龍
華興樂追鸞韶青蠅一相黜白璧遂成妖遺榮
詎戚戚知命良竄竄好食首陽薇終釣任公鰲
行行前路迷歲暮興長謠

寄張仲修侍御

麗景照高雲仙人行中天矯矯雙飛龍遨遊四

海間陽和三千迴雷雨騰百川歷覽一何極行
道及當年思君劇如飢曠望山海綿歲暮霜霰
集感茲薦鳴絃行子苦離索彌起長恨端黃鶴
天南來因之紫霞仙遺我一束書書中萬餘言
嗟嗟生運迫明德更三嘆誓將入玄漠佩以水
周旋

海上四時歌四首

春風吹浦樹日夜生芳華心閒淡無爲遊覽眷
靈槎滄洲興何緬仙賞思彌嘉瑤草况可掇豈
羨丘中麻

右春

悠悠栖海壖雲沙浩無際孟夏草木長頗亦得
清麗臨水狎釣翁沿洲拾芳蕙蓬萊聞匪遥吾
將從此逝

右夏

淹留向水國潮寒驚杪秋客心恒自適茲生奚
所求猶勝夜郎謫不減伯鸞遊曠然在人境天
地一虛舟

右秋

微祿守滄海小隱良在茲吾道今繫匏鷓鴣才
一枝觀濤始知險晞陽詫來遲歲暮霜霰零邈
哉滯還期

右冬

別後再贈德涵

浮颯冒晴巘驚風振華林枉節迴峻坂高輿出
遙岑層丘旣窈窕鬱木亦蕭森君子薦芳酌晤
言開素襟憂時富危論探道生遐心悲帝蒼梧
遙弔屈湘水深嗟予秉幽尚及茲成滯淫徒擬
孫公嘯猶帶鍾生音事變靡常塗達機古所欽
陶令耻折腰三歎歸來吟栖栖茲倦遊邈矣行
抽簪

秋日梁山書懷

江水下三巴峨峰控九巒客遊萬餘里心魄慘
當年日暮息煙駕秋色滿旌干寒臯下木葉芳
糝亦已剛浪流將何求高邁愧古賢我家大梁
野河壩多平田裊裊芳樹枝花艷春風前何時
縱巢許長歌弄紫煙開雲拾芝菌求託丹丘緣
此時逸興飛悽斷秦雲天

涪陵江懷古

涪陵三峽口秋江正奔突亂嶼助神恠風波劇
超忽孤艇綠中流直上日不歇古跡荒層岩煙
霞秘金闕疇昔伊川子白帽傲江雪斯文未喪
天龍鳳特秀發鬼蜮讒上帝大運坐天伐斯人
去已久我來拜松月白日有遺輝彷彿見明滅

采采蘩一束欲薦不能說談經與時戾世事已
華髮欲掃宮墻蕪千春與不沒

送別彭方伯赴雲南四首

企聖寡超見望洋安足論中路偶君子片言道
乃存先幾猶龍躩大撲迴堯軒茫茫矜智塗焉
知終迷轅

二

人事靡定端與君忽乖隔昔為同遊鱗今作孤
飛翼川塗日已杳風標何由即來章倘相念為
君慎眠食

三

伏龍昔翊帝輯難昆明始七擒揚天威八陣運
神理戎黎咸即叙漢道洪彼美匡濟屬豪英異
代可同軌

四

天人秉高節撫志在四隩祥鸞自遐舉玄雲有
餘渥敷宣徧滇滇王風轉沕穆南顧舒 帝懷
卓哉九州牧

四友歎 時四子皆謝事家居

盛子廣南秀六籍破萬卷山林寔本懷鴻鴻翥

言家集卷八
八
霄漢對客稱南華達生非虛羨高踪江海闊齒
髮歲云晏 盛吉士端明

獻吉跡轉晦幽求日深造禮樂百年餘詞苑見
古調補袞燁藻火敦彞薦郊廟如何夷門下弄
月自長嘯 李員外夢陽

修撰冲靜士條然類緇羽耻謁北司廬先幾竟
遐舉一丘悅性靈萬鍾乃土苴誰當薦楊綰大
道儵九叙 何修撰瑋

信陽中書君弱冠服天驥鍛羽迴大壑豈足悲
瑕傷養深日合雅高才瞰幽荒轉見吐哺人獻

爾白玉堂

何中書景明

擬古十首

陽春二三月佳人怨華年憶昔結君寵揚蛾下
三千顧盼生光輝長袖宜璫筵池中紫鴛鴦雙
雙皆可憐別君日迢迢幽芳竟誰宣昔為王苑
鶯今如秋露蟬含悲欲誰訴容態羞自妍三星
在戶隅北斗常闌干願君秉初惠勿為葑菲遷

二

採桑東家姝光彩何盈盈誤蒙君王惠顧盼克
下庭縑絲白雪長織縠織雲輕華虫被袞冕王

言身集卷八
六
襪履長生漢宮多妖麗貞素誰見明昭陽夜歌
舞淚盡篴篥聲團扇本涼薄馬角終虛名何如
西家女夫婦歸柴荆

三

門有西都客揖我歌路窮少小樂任俠驕貴凌
三公秦冠旣熠耀吳鈎亦英雄走馬長楸間趨
捷如旋風自負五陵氣不數二師功榮光近日
月安擬困蒿蓬時運忽復易寵賤還相蒙昔爲
翔雲鸞今爲號野蠹憔悴可憐色聞歌傷我衷
低頭愧漂母肝膽空相從

四

同心自相感同道始相賢所以三閭人甘心清
冷淵獻女魯聖退滅國越相遷達幾苟不早反
爲蚩者憐出處要時命治忽常循環翔鳳覽德
輝女蘿好纏綿風波一失儷莽莽同歸旋嗟哉
俟命訓佩之可延年

五

南山雖言高北山更嶮岼男兒一墮地行將四
海看朝出洛陽城日暮皆言還心事各自知疇
能測其端猛虎當道伏行人不敢前右抽兩白

羽左顧雙赤丸若不射虎死肝膽奚以宣私心
慕儔匹長歌歲將闌

六

赤龍不過淑白龍恒遠遊一爲螻螻制流浪安
所求權失貴及賤時去恩爲讐玄龜豈不靈遭
彼豫且羞登嶽旣長謠臨海復清謳曠覽一何
極素志良已酬日暮浩風波君其較前籌

七

登彼中嵩丘駕言觀五都古帝流高風千載惟
秦蕪揖讓日云遠征代成禍樞危又示六籍虎
虜而龍超世儒若草菅寒沒聖者途江海東北
流沱汜出其隅齊客詐晨門秦雞遂鳴嗚談天
恣搜羅著書欺蒙愚世無魯連子俛仰空嗟吁

八

驅車上東門言過五侯宅青樓連苑起朱戶夾
道直軒車若流水冠蓋填廡陌樓中多妖艷粲
粲弄雲瑟一盼傾人城千金不足惜安知紫霞
士不爲荒淫惑蘭茝乃同臭鵬鷄豈並翮女蘿
不知幾綿幕成禍厄苟非同心友繾綣復何益

九

丁丁歌伐木交道一何昌寸心兩莫逆斷金良
可方同行長安陌僕馬皆輝光羞彼張陳徒中
道成參商世路方嶮巖人情浩難量昨日鷓鴣
飛今爲鷓鴣翔一身倏好惡乖變殊可傷請君
重久要歲晚莫相忘

十

瑩瑩桃李花不言隨風飄義和馭赤駕王衡指
招搖生命何有極大化秉鈞陶朝適廣莫野暮
凌蒙汜飈憂侖交戰勝形神日歎熬蘭以薰乃
焚膏以明自銷所以松喬人遺世如鴻毛

孟望之入試院奉懷一首

皎皎入闈日噤噤度雲鴈感物念同旅悽矣起
長歎圖史在東序朋宴喧華堂三星如連珠調
琴夜未央昔者與子別悵悵天一隅今來不盡
歡枉作同城居擗管隔文囿浹旬與頗孤泛舸
酌霞釀遲爾鵲山湖

采苓篇

上山朝采苓日暮不盈掬眷言復米采荆秦莽
中谷長風簸海水鯨鯢震蕩之嗟哉彼儵鯁出
遊豈其時聖人坐深宮垂衣開斯文鄒陽籲天

哭天高那得聞蒼蠅日提提白壁何其冤彼天
降此沴歎息復何言時命亦已艱吾生豈局促
迴薄萬古懷知止良不辱賢者常自檢聖人先
幾微知幾復知止大道我所希希道世情薄偃
蹇守龍蟄浩然天行徒終果滄洲諾

雜興十首

朝發長安城暮宿驪山趾寒日隱層嶂浮嵐下
晴水華清古宮苑迷莽不可視

二

征旅川塗長流杓歲今駛緊繁花卉榮忽忽

霰靡如何同心人皆然隔千水

三

神龍振海湍靈鳳揚丹穴豪賢重義氣高步耻
羈紲排難不論功千金詎能結

四

佳人渺何許翼翼鳳麟洲蘇門足清嘯漢臯稱
奇遊三歲錦字書不託雙飛虬

五

昔登昆丘圃曾排紫皇闥明明捧日輪宛宛遊
仙闕一別隔天壤沉憂變玄髮

六

曾參習孔德殺人走慈親明月徒相照靈龜復
何神嗟哉不疑子詎是懷金人

七

寒城迷夕眺奔雲帶梁越昔人湖海蹤已隨年
代沒萋萋涇渭春王孫草仍發

八

獻王不受知古人抱璞泣舉世多鹵莽嗟爾神
識特毀體果足辱明心復奚益

九

君弄朱絲桐我拾瑤華蘭含芳固莫匹知音良
獨難鳳巢與茗鷄各各信所安

十

習遁抱冲素偃仰愜林谷雲散心與閑草長意
自足眷爾采芝子音塵媚幽獨

遊紅山寺

躋石升蓮宮不覺凌朝暉二儀入展眺萬象呈
仰俛天閣香風襲靈巖法露滋祇林宗朗悟寂
滅詎足辯

雜詠三首

王都競華靡 金貂璫歲蕤 百用填谿壑 暴殄良
足悲寧知所 快意間并脂 已衰我里稱富室 機
杼生虫絲衣 緜示敦素白 日思龍墀

二

邊戍何赳赳 所志在四夷 烽火入甘泉 提戈不
辭揮左繫 月支頸右滅 賢王師軍策 十二勛反
書權貴兒田 婦勤蠶桑優女著 羅襦棄置莫復
道男兒生數奇

三

浮雲逐風翔 明月有缺蝕 嗟嗟青雲士 前時泥
塗客 片言取華要 修名生帝席 意氣傾蓋壤 揚
揚見得色 周公秉大道 佐主揉下國 禮樂已四
達 握髮仍吐食

燕中懷古三首

日出北平甸 隱隱川塗分 南臨古帝臺 悵望遙
天雲 不見廣成子 空懷赤霞文 鼎湖龍化久 千
秋竟誰聞

右刺棘臺

王子逃秦質 黃金養俠士 胡然矜一劍 欲效屠
龍技 十年期生聚 勾踐雪吳耻 謬圖乃滅社 豈
獨誤田子

右易水

與邦良有激好賢輕千金破齊如反掌圖報一
何深二城乃不下疇測平生心白壁易生毀喟
然傷古今 右黃金臺

之縣

領符之江縣庭館吏人稀懷祿忻南州羈形念
中闡烹鮮庶易効解牛真餘機雖慚寡名惠初
志良靡違

登石頭城懷古

晨升石城巒南臨舊京甸流雲切高薨清江展
朋宴佳麗一以眺應接殊未倦鳴絲幽鳳吟勸
爵流鶯囀陶仙耽隱逸謝公樂遊燕賢謨動朝
省雅量鎮時難遺業存故壤形神已飈散倘無
垂代辭漫滅孰與辯虛名詎足驚短世難把玩
今昔理一軌何用淚如綫

送王錦夫方伯

出雲復歸山茲懷諒靡執守道耻諧俗嗟子久
獨立方仰澄清勲遽返滄浪楫玄運無定塗一
雨夏寒及彼哉豈予構順受茲賢習颺颺北去
帆咫尺渺莫即屢承沙鴻音空憶雲鸞集且作
鹿門耕仍甘玉芝食龍德貴存身淵潛慎出入

王氏家藏集卷之九目錄

五言古體七十一首

酬李夢弼學士

寄仲默

寄賈祭酒鳴和

種蔬

秋日寧國言懷十首

酬侯汝立太守

曉思

感舊貽溫子十六韻

酬劉遠夫十四韻

贈劉潤之

寄滕子冲洗馬

蜀中寄李宗易官諭

送楊用修上都一首

贈楊用修

寶光寺觀唐礎有作

赤牛城

山中秋宿

石猿山

木洞驛

龍谿

明月沱

寄郭价夫

大洪江

和答庸之次韻四首

夜入普市有感

寄庸之

客行憶价夫

寇平撫定餘黨再作

靖遠樓八宴

自酌

寄遠夫

泊大洲

詠懷十首

會館中諸友得歸字

四時遊樂曲效庾開府體四首

寄趙爾錫祭酒

西山道院述興十首

東方有佳人篇

王氏家藏集卷之九

浚川王廷相著

門人鄔紳湯紹余承業整

五言古體

酬李夢弼學士

昔邁自京邑重與朋故辭行行指荒甸迫路難
為期三霜轉蓬藿一麾滄海湄即事既超曠奔
頓亦已疲王闔丹華流紫閣彤雲披妙思補王
袞大道協帝師愧我濁水途日暮迷去蹊豈不
憚險艱空然傷明夷悲風振林壑鴻鴈來已遲

企念雲中仙容微如在斯笛響感自切絃促意
彌悽申我南江調報君燕臺辭

寄仲默

翩翩水中鳧友者鵞與鶴風波忽間之流落不
得將步出北郭門北望鬱蒼茫君通清切禁雙
闕夾文昌日月會亭途風雲何悠颺被服紫霞
綸文彩相輝煌佩之璫華鈞明德燦同行綴以
明月珠容華宛清揚相去日已踈相念日已長
我欲從子遊河水深無梁鑿井貴得泉握蘭願
得香明義倘不虧末言繼斯章

寄賈祭酒鳴和

神龍一何異曠然凌九天之子我所希雅麗從
昔年穆穆古文學皎若春花妍明信光賢籍大
道排靈寢皇猷亮知已弘濟復何言哲匠斤成
風拙薄生外憇顧慙負宿志喟爾傷逝川竊祿
依蠻呶濡足誰為援懷貞詎易奪省疚乃無患
已矣四海心咄嗒坐自煩險難道相濟契闊義
彌宣感激昔賢軌授分申茲篇

種蔬

古人拔園蔬種蔬今豈惑予非相國者盈畝幾

何值自給盤中
味猶賢奪民食春陽散林囿
園丁汲深湜風露
一何調油油布色澤
萊菹佳可烹白葵中其掇
豈直養廉助咬根成素德
夸哉肉食子寧禁
誚我齋

秋日寧國言懷十首

今適非我期幽
覲亦云麗長巒巨邑曲青
畝循溪泂英英巖桂
秀翩翩雲禽逝覽物有餘
賞攸止每留繫臨官
敦素履頗亦志弘濟崇卑
詎足較賢者安所際
揆道良已暢提挈視終惠
拯物方在茲誰果乃遺世

二

專犀畜我劍云自風胡傳
牛坦聊一揮精光耀
當年百里應星緯敢謂栖
枳鸞為邦先政化皎
此冰壺泉宓子日鳴琴陶
令乃無絃有心治斯
覃無為道終全摛辭華以
淫講性恣多言清談
誤蒼生伊誰究其然

三

暑林清露泣寒野霜霰結
天道變乃通豈茲人
理別昔予遊帝庭
天心企明哲羞彼浮沉子
降志以自涅風波忽來干
有憤誰為雪叩闥靡所

從逝矣濁水輒亮茲非帝懷俟言罷中憒吞聲
莫復道蘇子存吾舌

四

假息齋閣幽群籍頗披翫前蹟一冥會誰能不
嗟嘆風林無寧禽陰翳亂昏日時命苟靡由徒
爾歌石爛孟非臧氏沮賈豈絳侯竄要之存所
遇冥造有成筭仁人恒俟命鄙者昧通變樂哉
彼一時此時夫奚怨

五

卑歎任所役違之自貽辱飭徒撰行李疇能惜

奔逐秋潦沿無際沿迴遶川澳促促帶星斂
冥依巖宿異境即吾民恨不成攝束王澤一以
惠我行非徒驚古人愧靡及况茲耽廩祿嗟嗟
巖穴人獨善適爾欲

六

昔予治海民朴順安徃征云茲土風漓斯言詎
足徵我由不二心厥罰靡先刑豈俟期月化令
出真惟行宵雅鴻鴈哀中孚豚魚誠古今孰不
然茲懷非予矜卞公誓神州謝傳援蒼生濟代
果兆此邈矣懷前英

七

黃鵠日南來飛飛友鵷雛予豈振古豪學道昧
三隅一紀掛朝籍五年遊京都雖從二三子還
往不須臾一斥乖儀刑秦越遂殊途孔明隱隆
中師友多元儒抱膝吟梁父躬耕比夷吾倘無
崔州平乾沒濟時圖

八

秋鳥逝安託乃在海中沚薄遊得所遣豈必青
雲士直道難為容誰哉誓終始志士賤休追曠
然凌萬祀狂言戲萬乘邪途豈以帆渭川微非

熊白首安可俟虎變大賢造鳳衰君子耻守道
安處末干祿爾非鄙

九

王蟾光九土時復有缺蝕君看行天龍亦作寒
湫蟄一屈復一伸達人具天德鳳食乃琅玕豈
受鴟鳶嚇驪龍明珠光相將慎出入執戟二十
載豈求他人識我道在寥廓好之恐不力贈君
杜蘅草庶見君子色

十

秋風吹廣野涼露森庭柯上有垂藤花前有清

池波堂上尊壺酒厨中膳三羅肆筵復設席賓
從皆來過獨醒豈達道嗟牛非賢科我政日簡
易我邑日安和閑時飲美酒吹笙間清歌試問
座中客茲生豈在多

酬侯汝立太守

我昔遊咸秦君亦捧朝節兩心懸朗日交義逼
霜雪長坐散秦雲高歌凌華掌雖借羈旅情不
廢青霞賞人事靡定塗浮雲日紛翻何意白璧
彩忽中青蠅言投畀窮海曲杳杳悵關山秋風
日云遠不放伯勞還曷移宣州郡山水有餘輝

回首吳松洲黃鶴鳴人南歸蜀天風日佳蜀城花
樹滿花裏綠雲飛清光君在眼白魚雙錦箋遙
自周南來開械電虹閃字字生風雷君本煙霞
人况返丹丘廬悠然遂真性空山今著書洛浦
迷津梁龍門莽煙霧欲贈楊枝春望君不知處

曉思

我本靜勝者悵然辭舊山縱能同傲吏爭及素
心閒西園鴉已鳴南庭煙尚簇不見庭春來只
見庭草綠

感舊貽溫子十六韻

伊昔遊翰館幽尚絕垢氛偶從温李末一覽方
逢春玉石豈同調蛟龍自餘神栖雲竟何及沉
陸安所云苦道不見酬讒言易成磷悵茲竄逐
遠遂令歡愛分南江賦別鶴東道瞻停雲何意
量移歲乃作華陽賓道履宛咫尺久缺奉清塵
清塵日云緬素抱何由敦時運此偏佞服習愧
經綸即事歎時哲感物矜斯民厲志豈不潔積
憤寡所忻長嘯凌冲飈高揖薄層旻良友抱貞
懷眷言倘終陳

酬劉遠夫十四韻

憶昔共筆硯鴻鵠附鷦鷯清文取朝士華路揚
雲鏤鳴環紫金闕照影飛龍橋直道期補國讒
口遂成妖俱投荒海裔鍛羽困遊遨苦節日流
蕩疲禱漸賢豪量移心稍豁華顏亦已凋鳳思
丹谷侶鶴夢滄浪曹別君幾經年心波日搖搖
何緣飛鸞翼擬度浙江潮

贈劉子潤之

鵜雛何啾啾食之不言飢與君結明信山海終
不移相將萬里途意氣我所依玉劔帶秋水馬
色雙蟠螭勤力敷王事日月何逶遲嗟彼章句

儒嗃嗃任言辭大道吹萬有靈筮秉先機仲尼
陳蔡琴伯夷首陽薇疇能明取舍百代流音徽

寄滕子冲洗馬

江籬被南浦采之將遺誰故人青雲端聊以慰
相思校文直廣內侍講入崇闈大雅補袞疏飛
龍應宸詞末謝濁水塗音徽何離離落木滄洲
寒迴鴈關山遲行子悵離索慷慨秋風時三嘆
白頭吟絃促情無涯

蜀中寄李宗易宮論

驅車西川道幽勝一何偏江源下裔徼峽勢

高天我遊形神適宛宛飛雲仙鳴琴峇山水志
與良可宣歲晏思故交道拙懷高賢君從九霄
居阿閣華景懸養素迴沕穆陳力扶危顛十載
隔山海宿心念鷓鸞詎惜魚錦字慰此蹉跎年
送楊用脩上都一首

栖巖久懷疴謁 帝念通籍整駕趨承明凌風
東丹舄處協幽人貞進侔達士適尼父有遐軌
倦倦不暖席白日昇天行華館遊仙宅 清問
懋啓沃勸講盡淳直巡行述典謨討伐穰旦奭
一語悟 皇心四隩歸膏澤嗟余闇營道世路

苦奔迫仰歎凌霄鵬高思屢攢積工拙諒冥賦
盈縮真戲劇飾躬在寡悔撫志崇後獲各勉黃
髮心庶用酬莫逆

贈揚用脩

魯麟方茁角秦火已揚氛大道隱濁世羣經哀
斯文嗟彼漢代儒敷言求聖紀蓬鷄不知海擬
議詎能似沿襲昧神識異端咨輟葛傲然誣天
人執一忌弘達五行泥術數九流不復辯末裔
迷正途蕪言日纂纂余守章句者探元亦已驚
終夜承君辭千春見豪英神理超靈筌道契發

天工何當清墳籍白日迴鴻蒙

寶光寺觀唐礎有作

行覽新都宮邈言嗚當時崩礎委蒿灌佳麗靡
所遺古帝已電滅慨歎彌今茲神州沉沙水奸
雄波如馳始哉一蟻竇江河遂奔迴平世有餘
戒茲謨不我欺八駿幸蜀關故宮傷黍離積稔
勢成變履霜恨伊誰今昔理共然喟焉摧深懷

赤牛城

古城何崔崔上與元氣符何時牽牛星化作赤
石軀峭壁五千尺上平如田畝中有雙龍池靈

根生白榆蒼翠摩空明飛聳閣星樞氣從三峽
來勢與大峨俱一夫當天關萬夫不能逾前年
江津亂處處驚賊奴此方寔要衝城守如坦途
寇掠四面來戈馬紛馳驅王帛豈足惜生命限
湏臾其民乃千萬憑此氣頗粗賊日經其下仰
視空長呼人力有成筭天險安可圖州縣屢破
碎此城如完珠我來仰形勝曠懷超人徒石城
與隴坂未足雄環區安得圍九土永障華與胡

山中秋宿

山行日易黑况復連陰霏徒役困泥坂夜火亦
已微旅亭何蕭索供張以夙戒入門木葉下秋
虫響庭外偃息宵分中霜露欺枕席何異彼兕
虎草曠率爾集鄉夢長夜劇悠悠渡江海故山
千萬重忽復迷所在夢迷不自知相思無已時
衡陽鴈過久不見王書迴

石猿山

綺皓卧商嶺謝公遊石門雲霞如在目千古清
心魂我行巴東山美勝難具論峭嶇鳳飛翥疊
巘波崩奔茲山既突兀二峯復嶺岼云昔赤猿
翁神力邁中原飛步凌迥絕青天欲雙捫力竭

化爲石蒼蒼今尚存琴高湧鯨魚傳說爲星辰
茫昧不足道徒然欺蒙昏瑤華寒碧滋丹砂結
靈根聊爾供遊賞因之窮仙源

木洞驛

蹙浪噴江門幽洞冒瓊樹寒林碧參差秋嶂莽
迴互白龍不定眠中江起煙霧素舫歷長波凌
兢戒前路客行不能留已過青沙渡所期心遙
遙離居歲云暮帝子隔沅湘浮雲落何處攬古
心飛揚寒空屢延顧

龍谿

育谿秋漲縮石嶼峭江門天氣十月交岸木落
以繁窈窕古城曲寒靄錯朝昏遡洄缺舟櫓空
憶桃花源官事已及暇聊爾得寤言學子寡聞
道風氣安足論我遊巴東西歲月歷涼溫暑雨
浩川塗僕僕傷旅魂仲尼沒已久環轍日復湮
大心協道軌庶以謝崩奔

明月沱

客行無次序向夕舟復維豈不厭水宿搖裔渺
前期沱明星月上江冷蛟龍移野鼓何填填宵
火亦離離牛渚暮袁吟湘潭傷楚辭我行方浩

然我懷亦遠而流浪自古昔慨歎及今茲驚鵲
靡定所荒鷄詎知時行藏隨去住明發良不遲

寄郭价夫

一鴈落蜀天客心五千里幽憂託春雲離魂渺
江水歲光不可留功業竟何似故人遊北闕浩
蕩弄文史相如賦士林方朔隱朝市逸興鳳池
邊閒心玉琴裏而我飛蓬人風流安足擬苦病
屢懷歸戀戀復且止世置良不堪揮手應在邇
長嘯入雲岑爲訪赤松子

大洪山

大江日東注客興凌蒼茫沿迴層嶠底出入白
雲鄉霜淑何悽悽水落蒹葭蒼孤嶼亦嶢兀灘
石如群羊迥然生我愁舟師了不忙兩厓森翠
碧千嶂如飛翔白日駭心顏清猿斷人腸超然
登嶽謠空中聞天香九疑在何處我欲浮沅湘
重華不可期矯首峽雲長

和答庸之次韻四首

曠世有餘慕今時誰長卿我友應文昌希聖况
高情鵬翼凌九霄一舉萬里程嘻余久淪滯海
壑隨流萍不覲王宸君安擬蓬丘行瑤草託同

根素書傳遐聲倘非堯運開胡能茲晤迎

其二

今娛伸宿契昔邁歎孤征已甘斥荒海詎意騰
宸京匡世子所長勞生吾何情終焉返丘畝揮
煙謝浮名黔婁守初服尚平有遺榮日依鳧鷖
閒時濯滄浪清行野還杖藜及春課躬耕沮溺
吾與羣農務從茲明

其三

大道未喪天皎然日中升所以仲尼徒力守斯
文盟龍德潤九土弘濟真豪英哲人秉神契達

元化曲成邈哉聖軌逝異論紛披呈末儒寡靈
鑒闇沒歸壘盲以茲沼沚觀汪然論八瀛子也
大道師豈獨詞苑名榛蕪倘揮手坐睹墳籍貞

其四

悠悠塞上叟馬失福乃萌萬事有固然鄙哉勞
將迎秋隼自厲疾春桃故明瑩時命不我與何
由被弓旌志士達靡淫君子困以亨守道崇介
石勁節終匪更習宦歷年所事變翻局枰嶮難
安可辭温飽不足縈應龍抱雲遊雄劍聞雷鳴
弄君久要友疇能亮茲生

夜入普市有感

日發雲塞壑，屆暮雲未斂。覲面山不睹，鳥道何由辯。檐帷苦沾濡，騎隊嗟迷亂。夜火普市城，懸厓怯攀踐。平生遠遊心，及茲良已倦。偃仰返故林，夢寐有深眷。情志得自逸，鬢髮從年變。耕稼足餘生，誰能歌石爛。

寄庸之

獨遊向天際，夢寐軫良朋。落木變霜霰，感茲歲華征。一蹶辭金門，十載嗟流萍。白髮不相貸，志慚同盟憶。昔共筆硯池，肥輕清世有餘。懷慕古垂英，名禮樂企聖。塗鍾鼎安足榮，仲尼沒已邈。斯道誰予徵，君也東觀豪。適會况休明，何當揮朱絃。因之聞希聲。

客行憶价夫

王事懷靡及，我行詎遑處。翹首望天末，家鄉渺何許。聞猿峽口夜，滯舸蠻江渚。栖遲媿賢隱，流宕嗟予旅。羈鳥夢舊林，游魚思故渚。小園風日佳，兒童撰杖屨。杏東春醪成，誰哉共容與。緬懷阻空曠，日暮徒延佇。不及輕鴻翩，萬里儵高舉。寇平撫定餘，黨再作。

赫赫提王旅，戡亂頗神速。三箭天山平，七縱昆明服。奏凱揚帝威，函夏王氣勃。旌纛照雲海，士馬騰川陸。敵愾西南清，我行非徒驚。皇猷體至仁，好生被九澳。兩階奏干羽，戈馬豈所欲。遐追燕及頌，載賡康哉曲。效茲清平朝，永資群生福。

靖遠樓公宴

談笑偶賓屬，矯矯懷庾公。南樓一吹笛，千載流英風。我來就諸賢，攀眺臨高甍。開筵接翠微，度曲散空蒙。澗酒未傾倒，夕陽下高舂。燈火亂星宿，鼓吹驚魚龍。酒酣擊劍歌，逸氣凌煙虹。慷慨有遺響，何慙代裏雄。葛亮撫南蠻，夷吾靖山戎。古來幾豪英，平世留深功。矜名智所淺，伐善道乃矇。萬事等浮雲，我欲遊無窮。

自酌

大塊陶精靈，我豈金石姿。矜名不自惜，勞生怨伊誰。春風入庭戶，愛殺山中期。花柳已弄色，流鶯亦不遲。朋親阻携手，開尊空所思。兔穴未央殿，草沒昆明池。古人不復來，此盞安能持。且自邀素月，聊爾作相知。

寄遠夫

海納百川汙澗止誇清流公孫井蛙人馬生爲
之羞憶君復憶君遠夢連滄洲遽然候鳥履巖
倒紫綺裘何時一相晤闊達解我憂才略世所
資古今重英俊公緒妙清談胡能濟炎運哲后
在九五夔契挺而奮林然雲闕下惟君更清聞
海鶴笑茗鷄鼓翼凌長風道逢浮丘仙未語心
相從我行在天末馬色飛虬龍相思千水隔歌
劍爲誰雄

泊大洲

寒瀨石嶼出暮舸不敢上且泊大洲浦弭楫臨

莽蒼鼓從露野沉杳應空江響林虛猿狖靜波
澄星月朗長宵耿不寐冷然發深想芳杜幾相
思青山滯獨徃世路何盡期遊人自鞅掌旭光
發陽厓前洲聞撥槳

詠懷十首

灼灼紫薇萼碧桃羞其妍一中佳人好清芳被
華筵豈不耀皎日日暮成棄捐蘭英守空谷墜
葩如飛鸞世人杳不逢含輝照幽壩託根依后
土因之盡天年從彼赤松遊上士明真詮

古士重守道季運乃陵遲王門一以遊矯首排
虹霓天機不早達終然傷明夷楊子稱旁燭守
玄何其微一涉戀滯途反今後代嗤高躅邁人
寰豈無西山薇

三

白日出復匿秋氛森庭中寒蜩咽高木蟋蟀鳴
深叢歲光昏然盡士業如飄風惕惕傷衷曲亢
志遊無窮赤霄可栖止擊劍殲長虹

四

騏驎日千里神遊非人途良樂一不逢終老
下駒棄置從此去去入明王都八駿服龍驤飄
飄青雲衢朝刷扶桑丘暮抹昆侖岨允哉奇術
士千載垂英圖

五

名理協人師高論出玄黃經世倘昧之安用此
道昌六籍垂斯文至治述皇王仲尼欲興周歷
聘拯世康相事一以攝志業昭八荒豈彼空言
子嘒嘒飭彌章

六

契會有成理時命固多變守道不失躬後車達

豈晏嗟嗟工媚于委順務巧宦道者爲此頽鄙
夫乃相羨萬美不相入一言即深眷要之存所
遇知巧豈足辦

七

天運瀾四序代謝靡常期桃李方艷陽倏忽霜
霰滋君子守貞信不以貴賤渝鄙哉紛綸子所
憐惟其時時命苟不逢龍淵成汗池豫生報知
已灌氏死魏其此道久乖謝我悲非他虞

八

太虛造化始一氣判兩儀萬形從此出厥理亦
隨之耳目既已形聰明乃因依不有天地器覆
載安附諸理先氣乃後茲論交支離習識痼真
鑒昏老尤難移知道古來寡吾將鑄鍾期

九

世網久嬰予濁濁懷酸辛陰陽日變化韶華失
青春萬構湯火然中煎毒其神豈無委心術戀
戀迷我真迷真在一時終返東臯濱應龍收玄
化灰心不重焚朗然獲冲虛何用推靈文

十

生命久自諒勞勞寡逸樂今雖臨坦途敢謂中

靡惡素位祛外營恬心守冲漠應龍思故淵翔
鳳夢丹壑逍遙果真適終偕七人作

會館中諸友得歸字

嘉會良不易友道古所稀四座請勿譁聽我重
申詞洛陽七貴子西京五侯兒各矜權貴盛一
生不低眉結交雄豪人白日心不違軒車連九
市僕御生光輝提携入漢宮看影鳳凰池意氣
如健鶻矯矯排風霓片言雙璧酬一笑千金揮
顧彼採薇士局促不足奇一朝時事改百年心
計非賓客忽星散筑然坐空闌明月來笑人死

仄安能晞久要猶在耳報恩今是誰前日赤心
人不及犬與雞乃知世道交貧賤還可移伐木
昭德音同心贊蘭辭請君重明義歲晏偕所歸
四時遊樂曲效庾開府體四首

高臺風日麗玉律轉韶年清絃間鳴鳥飛憶度
芳阡沙柳烟際鼻池桃水中燃湏知道遙宴無
異瀛洲仙右春曲

升巒入雲霧登閣跨蓬萊堯日景方淑虞琴調
乍開幽林藉錦石陰洞就香苔醉泛蘭舟去笙
歌水上回右夏曲

良辰復暇豫翠筵集五侯舞衫驚鳳舉歌曲彩
雲留露濕碧桐井螢飛明月樓未流天西火先
怯池館秋 右秋曲

寒日芙蓉苑障風簇錦幃瑞梅三閣艷流霞九
軒輝王母函桃實蘭香試舞衣未誇金谷勝還
同宴鎬歸 右冬曲

寄趙爾錫祭酒

載筆東觀史談經國子師大道迴淳風華要躋
良時疇昔同館署今來隔山陂清絃抒情素幽
夢攀光儀不惜形跡遙但苦年運移日飛逆旅

蓬彌感遊子騅回首盼京闕浮雲鬱崔嵬渺渺
胡天鴈非非滄江離悵然結遠心因之寄相思
西山道院述興十首

侵晨入古院旭日朗高木亭空冥栖息巖懸曠
遊矚露重花暈濃風暖鳥聲續茲心本無擾况
爾逢幽獨

二

西山玄隱林登攀今偶爾澄澄蘿月上颺颺松
風起冷然絕塵想道悟從茲始橫琴聊一揮吾
志在山水

名遂難久居常恐歸途晏忽對雲林幽喟矣起
長歎達人善卷舒至道在蕭散萬生任去來空
色詎足辯

四

佳日登仙巖清興滿泉石雲來鴻寶氣露滴金
光澤空懷無上情猶綿久遊跡赤松在何許眷
爾紫芝逸

五

自涉風塵塗化作勞勞質何幸今日間條然卧

仙室嘉樹語流鶯飛花隔簾入陽林藹清賞只
恐春歸疾

六

仙臺俯靈渚一一生華春屏氛坐幽館逍遙含
清真今人苦多事百欲奉一身邈哉河上公此
道誰能陳

七

箕穎久榛塞鷗鷺誰能羣惟昔讓王者高風千
世聞我懷在寥闕思樹滄浪勛何時鼓枻去矯
矣躡清氛

八

崔我出孤巒眺遠凌蒼茫雲開送空翠日朗搖
江光草漫隋宮滅麋遊蘇臺荒人代逐流波一
去不可常

九

日月兩跳珠天地一行軒一受形色化難執無
爲言小智自拘係大夢真勞煩偶來塵境外聊
得清心魂

十

六朝古城闕土氣連滄海玉璽募定力龍華易
埋彩江山宛如昨雄豪竟安在遊覽方暢懷感
茲復悲慨

東方有佳人篇

東方有佳人所懷在西極袖中錦字書一一中
金石路遠不可達安知我心臆種藕自得蓮種
棗自得棘交親在審始中乖何嗟及蘭芷不時
掇將隨秋草浥所嗟君子匹豈爲馨香惜

王氏家藏集卷之十目錄

五言古體五十一首

出郊感詠二首

舟泊大伊遂登嶺眺望二首

趨後淮上途中述感四首

送戴仲鵬赴烏石

黃州演武廳宴集贈石帥

舟及團峯以事復回黃州

阻風招蔣方伯石都閩集飲

望魚臺二程子所築

登陸趨陽邏

木蘭山

雨中發應城

宿京山懷君采

野泊呈蔣子

赤壁亭宴集謝蔣子胡子

遊定慧院

庸之郊墅宴集

鵲湖懷古

尹亭與諸僚宴集

九日安陵同蔡成之發

孟冬月巡海上諸縣

贈君采用韻

商河聞鴈

遊龍洞

浣花溪是杜工部故居春日遊覽有作

登迎暉樓有作

登大安樓呈同遊諸子

於萬里橋有作

題駟馬橋

懷王庸之

寄張元傑

望月

雨晴渡京口

天門山

度杉嶺

遊雲門

發泗安暮泊湖州

贈蔡子

向侍御竹溪書院詩

寄何仲默

酬薛君采

過閬州

泊青城二首

出陝城述所經覽

董漕廳述懷

悼旌

王氏家藏集卷之十

浚川王廷相著

門人鄒紳湯懋余承業校正

五言古體

出郊感詠二首

扶鵬搏南溟儀鳳遊崇岡厚積乃遐舉覽德斯
迴翔薄劣多見尤疲繭寡所將先服已軒輊再
驅仍彷徨豈不景明哲動以拙見妨投荒守瀛
壖佐縣飭儀章積悶眺川坻行春踰河梁鳴禽
知晴候華木改新陽莊濠遊以樂楚澤歌奚傷

達節賤名浮居易侯道昌不有古賢徒斯懷竟
誰明

居常厭官守暇日徵佳會朱火初改木青陽已
推位走馬平疇間寓目丹青外翠對峯巒聳激
聽川流會積潦谷陰鬱疑霏樹晚藹柞阿時延
佇沙汭遙凌邁過澗挹澄泓攀林越森蒼歲華
濃夏首良晤亦斯最形適諒忘言心賞有餘泰
至道排冥筮遺真附仙界懷哉運斤徒因之發
妙解

舟泊大伊遂登嶺眺望二首

遙征徒已疲安邁舟始忻客程急日夜驚瀾駭
崩奔蓬心悅留止升巒瞰高旻海岱指間得揚
楚望中分洪河吞淮沚峴口拱齊門古石墮危
壁新沙亘高垠山川日已改人代焉足云丘墳
但宿莽碑版空殘文傷心古往跡感慨鬱難陳
於焉任化軌庶以豁憂殷

二

周雅述淮夷漢服分楚甸長江帶南紀王圖此
雄冠職事有行役超曠任眺翫覽古情詎釋望

闕泪已泫緬哉天路長
倏爾歲華晏側身蹈窮
海縻廩依下縣積愠將
奚尤素履竟誰辯雖協
康樂情終切子牟戀效
志諒有激陳辭忽纂纂
即非周南史留滯有餘嘆

趨役淮上途中述感四首

抵後趨淮城飭駕歷海川
遊仙豈別理望洋及
茲年懸帆新壩口落日
金城灣長波汨冥鴻層
岸挺孤荃淪漣入浦風
窈窕及墟煙曠望道心
豁順動智者便逸調諒
自愜冥途誰爲詮初服
秉上訓末躅懷靈筮接
霞蹈瀛淑倒景排寥天

晞髮扶桑暉濯纓昆丘泉
茲生旣幽晦異代將
奚傳

二

弭楫倚夕渚躡步登陽陂
隱隱隔河壖藹藹見
州埤序暮變林色曦寒生
水霏穉葉日自零集
禽時相依睽携悵流景登
頓念息栖跡繫情靡
超人遠路恒迷豈伊苦旅
嘆嗟哉丹靈移查浮
犯雲漢鶴馭凌瑤池爽然
與世絕天遊良在茲

三

嚴公本棄世尚子終無營
蘇門嘯激楚竹林絃

三身身身身
三
淒清志偕自相感神悟詎久經華陽煖平阡晨
颺厲修垆茅宇倚清茂衡門冒霜莖宛宛水中
坻抗志一何盈拙薄厭垢氛積習稔將迎怍矣
久干祿脩然念躬耕古賢已電滅妙撰欽平生
終果晤言諾慰爾遲暮齡

四

寒隰帶陵薄白露下江草言邁何有極山川日
蓼擾豈不悵形役戚戚隕靈抱逝波何時還堯
禹憫莫弔泰華果毫芒蜉蝣爾壽考盈虛豈定
途禍福任冥造至人屏塵障達生一何早猶龍

負淵潛載魄祛外皎窈冥中有精淡泊日爲寶
送戴仲鵬赴烏石

萋迷發川涘眷戀瞻雲月離踪日超緬戒塗方
蹠躡凌晨促征徒日夕恣沿越汎汎滄流駛靡
靡夏雲結長汀蔽叢茨幽林響哀鳩牽舸趨南
荒揚鑣展絕粵行子多苦顏况爾罷朝列魯生
思蹈海朱令期濺血予衷苟貞亮萬事任窮達
盈虛有定端時命詎可奪鷄栖旣冥化龍戰亦
澌滅齊哉古今理嗒然厭宣說

黃州演武廳宴集贈石帥

屏氛出江郊撰幽憇武館秋容已淡沲雲物亦
迴緬江山佳入牖聊爾恣一覽道悞見乃超志
愜興不淺招邀子所敦襟期我當款雖值旅務
迫不廢賓筵展會屢詎流連談劇非縱誕窈窕
漢上曲清切江南管投壺按魯鼓揮琴述中散
居易命可俟撫化慮始遣江崩赤鼻磯岸拆黃
泥坂蘇公豪遊跡咫尺竟莫辯賞心即命觴庶
達養生纂

舟及團峰以事復回黃州

遄發齊安城野憇團峰坂簡書申異命造次促
權返中夜凌迥江侵晨見南嶽推蓬納升旭覽
勝紛可辯岫桂霞影蕩江籬露珠泫時物豈不
麗滯旅興莫展鹿門逐畊稼太史樂遊行高賢
雖自許干祿竟渙忍重來日云積歸計路應緬
長嘯任曠達偃卧戒憤懣勞謙業以廣止坎道
乃善世氛與日構持此庶可遣

阻風招蔣方伯石都閩集飲

北風激林巒颯籟有奔響登艫臨渺江層波方
振蕩咫尺石鼻嘴百榜不得上且作守株士勿
切飄蓬想淹鬱情不愜招要朋可枉樽俎展情

素心跡附豪爽未懷二難并敢謂一日長前筭
豈易擬事變徒深愴風來滕王會雪返山陰舫
行止無定塗喟言悟今曩

望魯臺二程子所築

昔賢崇道軌企聖洙泗涓築臺望東魯轉覺衆
山卑鳴鐸振前響擊磬追餘悲果協尼山步允
開斯人師我行出故墟古臺尚崔崔飢飈走頽
垣亂篠蔽荒祠哲人已邈逝斯道日多岐四聖
兼先天百代使人疑寸心倘不滅夢寐或叩之

登陸楊陽邏

風風已勁湧湧江逾激輟棹發廣陸苦逸迢
爾隔旌旆避黃潦僕馬駭危石維時卉木零秋
氣方厲急感物切慨嘆况乃撫形役微尚敦先
民浮名誤夙畫谷口慕鄭引三徑羨陶適終爾
黃鵠心逝矣矯高翮

木蘭山

西出黃陂門側度木蘭山茲山突如蓋衆峰復
嶺岼上嵌金膏穴下流丹砂泉甘露石耳滋茹
之可延年玉乳闌干牙靈秘難具傳俵俵愍濁
世汨汨昧靈筌萬塵日心鬪何啻歔火燃我遊

若風颺真蘊安得接慮滄情自伏妄滅道終全
超然丹丘術還與智者儔

雨中發應城

侵晨發徒旅平野何快
息楚澤雲易陰暝雨忽
以至淖滑塗始艱煙抹山更翠野飯錯昏旦列
騎離隊次檐帷任沾灑僕御柰困懟古興北山
吟今發南邦喟焚溺待
援手澄清效攬轡王事
方滯淫何由辭勞悴

宿京山懷君采小

中夏趨南服炎歊變油襟鄙志在幽素日夕寧

丘林王事自靡盬時命亮難忱浮客寡歡悰惕
矣驚遠心心遠情不極路長杳難從灑翰白雲
司曳珮明光宮企念已鬱積臨秋擘芙蓉采采
不得將飄音訊來鴻鴻來秋已悽游旅日奔峭
萬事難自持俛仰發悲嘯久存耿介性屢遭賢
達誚誰哉魯連子先我指稀調稀調類孤征孤
征悰莫展輟舟登廣原造次野中飯暝雨夢澤
浦夜火京山坡昔償遠遊諾今被干祿款干祿
幸明代可柰歸念攢夷嶮相倚薄風波慎周旋
惻愴山陽笛悽斷廣陵絃思子叙良晤因盡苦

旅言

野泊呈蔣子

並出郢城曲客纜解已夕忻乘順歸流不謂行
相隔湍瀾浮空闊魚龍駭萬億交水忌溜漩側
風戒岸逼榜人力稍懈俄頃渺莫即秋漲駛奔
馬輕舟及迅翼髮髯尚隱見倏忽判南北兩涯
雲霧集四顧天野黑聊泊沙茨淑坐待明發色
赤壁亭宴集謝蔣子胡子

適志在丘林所嗟嬰宦籍雖偶登嶽謠終爾煙
霞隔日來有所期蘭尊尚時哲虛館俯江郊况
覽豪賢跡鳴雷輕隔浦涼風近將夕遊禽屬啁
啾落水方戚戚埤草未堪贈佳人徒良覲遠心
入洞庭曠覽狹夢澤事往情彌牽年衰感易迫
已悲王子車終返原生宅賞心非外慕懷賢亦
屢積且逐俄頃歡爲君謝行役

遊定慧院

萋萋芳蕪郭杳杳青蓮宮隔埤睇瑤林亭午聞
霜鐘雲霞紛綺麗木石迤玲瓏羈心愜蒼郊苦
旅攄幽悰旣登雲中閣復眺江上峯水沿狎鷗
鳥洲擘欽芙蓉已協隱淪趣堪擬蓬壺逢惜非

虎溪遊一笑證遠公濁世豈不厭妙道要可通
妻孥歸性真宰丞亮天工義旨顧靡借慨息方
彌重獨有滅心垢可與靜者同

庸之郊墅宴集

習素秉超曠養痾希沉冥耕稼果易足盤桓遂
初營西郊啓懽宴良友展深情垣薜紛暮委庭
菊麗秋榮鳴鳥亂將夕飄霞度踈明長嘯林墅
寂野酌池臺清陶令去千祀伊誰契幽貞世網
苦未脫翻然愧茲生

鵲湖懷古

漫漫鵲湖水中夏如巨壑一舸汎中潭蕩漾渺
難泊鼓角奮以揚蛟螭靜不惡簸弄紅錦湍搖
裔翠華薄陰霞倏明滅游禽藹紛錯發擢梵音
浦把酒北城閣悵茲人代速湖山宛如昨不聞
北海遊空覽少陵作高標耀白日浮踪等飛藿
湖水清且連玉纓不復濯吾生諒有涯昔賢徒
龍蠖俛仰勿悲嘯且盡手中爵

尹亭與諸僚宴集

戒艤泛澄湖窈窕觀湖渌古柳蔽廻岸彫楹耀
丹水尚書已邈逝亭館麗未已我來夏候變清

覽紛可紀羣木鬪葱蒨列岫獻蒼紫篠風旣洒
冠花露亦泫几拳爾小蓬丘宛在水中止颯颯
大雅吟朋僚况文史伊人昔當路衡準世所恃
勲或茲煙燼世華一何駛朗鑒無留形空羨山
公啓世傳尹居家宰選授多得人形神竟乘化
今曩豈殊理舞雩協聖符濠梁稱達士幽哉湖
上磯吾欲釣清泚

九日安陵同蔡成之發舟

亢帆安陵浦泛舸清川潏渚枉倦迴沿厓傾詫
崎嶇寒原變凄候浮靄散層陰落日隱叢薄孤
霞冒平林雖同佳人娛屢與遊子吟登高誰爲
情枉茲歲物侵曠達獲自古維繫慚在今緬懷
籬下菊結念丘中琴川塗渺無緒風波浩難任
行因逐物役杳然返素心

孟冬月巡海上諸縣

整駕歷海甸凄景劇衝冒厲厲霜野澄惻惻風
巖峭故墟積昏靄層林閃餘照彷彿任遐覽偃
仰發孤嘯斥逐雖久淹跼躄豈攸好鳴鐸欽聖
軌敷文期賢造拯時已自藉豪遊亦竊效道存
性乃怡跡往悟方妙詎意勤職守復茲適幽抱

贈君采用韻

塵鞅久籠繫畏途劇榛莽宦歸愜幽悰朋來豁
遐想林囿溢徽華賓從託高爽攀遊東山後搗
藻文園上顧已託深契何啻存傾仰茂德被人
徒越世餘薰響子道靜方逸我年徂以長浚野
未深期嵩阜終偕往寤歌居乃貞玄修意彌廣
遙度游龍岑擬曳仙人杖

商河聞鴈

驚風盪沙瀛朔鴻逝飄音乍迫響逾急漸遠影
終沉旦舉陰霞低宵浮明河臨噤噤思南洲亦
亦度陽林適志洞庭浦刷羽衡陽岑返徃豈不
嫌霜塞亮難任崔子厭玄菟梁生匿山陰避地
古有然達變智所欽傾聽入寥天因之動遐心

遊龍洞

陽阿春已暢百卉青不淺官牒憚煩翫素悰期
野展祗林才一舍幽深劇百轉雙闕對面峙峭
壁自天斷豹蹲穴霧腥龍卧洞雲嬾春賞旣勝
地朋來况文選促工徵清歌攀岑恣幽覽張弛
合道符茲遊詎流洎遠追蘇門嘯竊附緱山管
曠士自殊調今人苦多辯

浣花溪是杜工部故居春日遊覽有作
拾遺已浪跡檢校空外員豈足稱裨補庶可給
饗食平生稷契心絕代風雅言昔困走三川今
來仰高山眺遠出城闈披幽下江壩古堂本踈
豁遺像猶癯然飄林紛落英冒石激廻湍尊移
雲日輝席薄洲渚連賞心良已多卽事還可嘆
曰余值休明萋非遭詬愆擯遂甘直道流離懷
古賢古賢心跡遙拙訥安足援遠遊協宿志遺
榮愧當年茫茫終何適奔頓昏靈筌

登迎暉樓有作

按圖欣名勝宿心暮蜀甸今茲遂遊旅偶得契
貞觀危埤凌山椒層樓接天漢陽律噓生遂春
令行雷電原隰芬草樹巖嶠各葱蒨幽人時往
來丹鶴亦迴緬華陽帶錦水佳麗足三歎幽賞
紛林花離棕劇江燕雖乏長卿才頗協康樂翫
嗟爾見羈束鄙哉任情戀瑤草竟何撥緇髮日
云變嗜物天機伐矜智聖靈散愧彼丘園徒揮
手謝簪弁

登大安樓呈同遊諸子

淑氣被莽野浮霏散高昊逶迤眺遠郊超曠臨

華春巨川順歸流迴嶂森層嶙幽哉成吏隱卓
爾伴仙真晴禽變幽谷芳木麗暹津二儀納罔
象物華燦以繁攬轡蒞茲土眺古豁我神去賢
不復來惻愴安所云乘飈絕飛埃振衣凌紫氛
况偕朋僚宴佳日偶梓尊迢迢上國書依依旅
人魂長謹激快鬱愧彼郢中言

於萬里橋有作

牽組次炎方采蘄歷錦澤迢迢萬里橋悠悠三
河客雪嶺下春湍月峽憶歸席悵此孤根蓬安
得雙飛翼洲融鳥含景露糝木弄色群動與時

遂吾生坐拘迫張掾感專味陶令悲形役豈不
景先達情戀昧多益吹萬天運塗得一聖靈宅
豐豐道有會灑灑性自適綺季滅塵響於焉南

山側

題駟馬橋

泥塗淪下國日華望皇闈招延荷明主遊歷際
良時一登金馬署片言合天懷賣賦黃金多好
新白頭疑早以慕榮出晚託開邊歸邑令且負
弩豈念故所私蚩蚩彼父老望塵空爾爲里門
不相下駟牡何離離君子貴芳德細夫欣盛儀

鄙哉當鑪日所酬今亦微管文道不足飾位志
乃迷惜爾雀雉化未測蛟龍輝

懷王庸之

垂楊綠堪染黃鳥鳴不歇春來念朋舊游衍興
超忽臘時酒已清河渚茵初發欣來即命籌樂
至豈待節張筵金沙堰鳴葭朱林樾攀花贈長
謠臨水促餘闕離群感不淺感物衷屢結勞生
銷華顏徇祿涉窮髮自乖沉冥理已縶濁水轍
舊書恒自檢遠夢竟難達洒淚夷梁道浮雲望
中沒

寄張元傑

長孺守中郎方朔隱金門日夕陪鵷鷺著屨切
星辰直言敷國是大道協皇墳况茲明昌運致
主邁古倫喜余萬里塗鍛羽困拚翻心裂九折
坂淚盡三聲猿萱花結春思鶻聲慘宵魂膺仕
漸薄劣孤踪耐飄淪思君九天上白日振飛軒
道義重相矢瓜葛不足云岐路日茫昧夢寐時
殷勤相思激楚調離歌申苦言

望月

零露湛玉宇華月麗中街影從龍閣轉鑑自滄

溟開窈窕引幽素玲瓏散玫瑰既升金波館復
朗雲華臺火螢暗交綴風鵲頻來迴佳人阻瀛
溪音塵一何乖瑤草訊靡緘冰絃意徒揮寤言
無復緒離思誰爲裁花驄影鬢鬢仙舸波泃泃
山川日以緬歡燕何由來雲霏障簾戶椒蘭凝
尊鑷芳辰坐銷歇花暗生青苔

雨晴渡京口

波樾凌渺江江色淨如澱宿雨乍澄霽浮虹尚
隱見金焦啐中流氣候紛可辯長夏鬱草卉靈
霞變昏日不染九閻塵頗壯三江觀平生滄海
心茲遊亦堪羨吾道豈匏繫世故多龍戰伯鸞
會稽隱亭伯遼東窳伯戛丹陽遂凄其廣陵散
時命古有然適性勿深嘆

天門山

天門峭雙闕崒崒迥相對洞劈華陽口石裂方
壺背寒雲莽空闊秋潮浩奔逝我行屬風波狂
起飛龍瀨三山渺何許孤舟日搖裔空懷招隱
篇不逢采真會傲吏恒乖俗逸韻故輕勢鬱鬱
佳山水平生有深契騎箕列星遙從龍帝閭翳
方將擬抱關何由期歸柩

度杉嶺

晨飈一何厲夾壑鳴松湍捫蘿冥煙濡綠谷陰
覆寒俯聆激澗泓仰睇蟠雲山南臨旌德蹊一
線千迴沿水翠翩翾出石薜窈窕懸濯纓愜臨
流躡雲忻升巒巖栖慕幽人羽駕懷飛仙志潔
世可遺情遠道彌全霧術凌巘嶢月波弄潺湲
石門追曩古謝屐聊孤攀

遊雲門

判牒日惟勤飭位恒靖共不緣邁長塗誰茲豁
幽棕南臨清溪曲西眺雲門峯巨壑深巖壑
巘紛錯重逸狄抱喬木流泉響深澗林巒諧夙
慕野興浩以濃春序倏暮杪群卉方蒙茸豈獨
省農田亦以觀化工風清存民和禮洽見時豐
拯物志可酬居易道乃洪寄謝金門友良宰非
塗窮

發泗安暮泊湖州

山行苦登陟水涉意自洽南巒一雨瀉北湖千
漲納岑岑帆初揚瀏瀏風愈颯蓮歌夾浦聞漁
唱隔煙答搖裔順流潮隱見依城閣雲霞暮生
變鳧鷖晚成匝蘊靈茲土勝探幽予心合延佇

湖上瀨采然憶若雲

贈蔡子

嗟哉宇內英撰志天靈齊二三擬道者越聖樹
高基迂闇罔自省飭惟正乃迷彳亍弄柔翰展
矣往古辭潤物乃不閑璀璨將奚爲蔡子果莫
企古德及今茲周物智者倫迪會明王師徧人
敦刻峭嘖嘖議徇時邇承末席言默識兩不疑
方忻攀嵇駕忽發遊秦旗邈邈西河道音塵詎
能期孤踪悵奔迫况當朋知離矜名尚煙浮投
牒終巖棲大道侯子宜握瑾慎所持

向侍御竹溪書院詩

達人秉神契抱疴歸山阿上有竹樹林下有溪
水波幽然行采薇獨嘯成晤歌盤桓一何逸居
貞發天和夏后足成胝仲尼席不暖由來經世
人志不在丘峴乾運乃道符神化非外纂眷眷
蒼生心凋瘁日在眼鰲定四溟震石補九天斷
拯濟果時義焉用誓弗諼

寄何仲默

伊余同懷友德音何不丕丕結交岐路隅胡能待
龜著曾茲企聖術靡獨忻雅辭迫路有躡行人

事生蔽虧璞英一何麗剖之叢石間德也不同
塗生世良可歎汎泉不濡坂泌泌汎誰瀾同生
寡道晤異代將奚傳悠悠睠北州河渭渙其下
頽尾阻來茲薄言肇芳杜式歌以長謠俾余如
轉櫓往哉申前期逶遲嗟中路

酬薛君采

北闕五雲裏西臺三司連明刑才不盡人羨臯
繇年白龍卧海浦日日生雲霧化爲千日霖蕩
然和九土神藻亦秀出飄飄蓬萊色補石上青
天揮手招八極仙人王子晉把臂武陵源一爲
南嶽別心斷不能言客從朔方來遺我堦華蕊
一夜心飛揚因之渡江水江水下三巴微茫入
天際落日聞清猿行人欲揮淚秋江日奔駛處
處生濤瀾佳人阻瀛涘望斷雙飛鸞

過閬州

古城臨平洲落日清江轉夏木已陰森遙巒日
葱蒨引領千仞岡群秀紛可辯迴薄萬古心超
曠九州覽節候變歆鬱途次彌偃蹇梁野行遽
及秦關望猶緬靈源一流眺旅思忽以展却憶
玉臺遊擬弄緱山管

泊青城二首

繫舟青城浦川坻隱曛夕逸思浩連蜷迥野漫
登歷颺清樹交爽煙晚山逾碧乘月蕩孤棹秋
氣突凌逼

二

莽陂秀紅蓼中野水雲多爽綠散筠篠幽芳開
芰荷塵鞅日劬悴時物紛凌摩心閒結遙夢遊
仙送清歌

出陝城述所經覽

秦浦發歸旗逶迤度長坂雲入林巒合鳥向崖

旗散浴蘭汙溫泉綠磴東驪館蓮峯嶺華首衝
坻青渭岍幽韻茲凌薄暹心日紛亂牽組隨世
綠採山失真玩橫驚塗尚迷遲廻局未返旅逆
節乃苦景美愜深眷秦正既嗚嗚梁歌亦纂纂
鴟鴞爾同歸醉醒復何辯

董漕廳述懷

江南寔名區茲邦稱富麗白粲貢天府黃金壯
國勢顧豈英達才佐漕主會計時復檢官守頗
亦勞智慧達術亮天人安世首康濟凋敝生寇
亂承平日氛翳獻納者誰子望闕日流涕遠遊

聖賢集卷十
期蹈海耽榮未拂袂青雲何超緬畏途久留滯
嗟哉東方生巧宦日侍帝

悼旌

代產島海珎庭出龍鶴姿垂髫談古經端貌欽
宿師默靈解悠道初語侵雅辭學箕傳家牒繼
體答君私地苦蘭隕谷天毒星沉儀昔當腸已
裂忽起心猶鑿萬念灰如寂一痛川與馳

